

# **Сийрат 175-дарс. Ҳар намоздан сўнг «муъаввизатайни»ни ўқиши**



20:00 / 04.03.2022 3582

683. Абдуллоҳ ибн Умар розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: **«Ким Қиёмат кунига ўз кўзи билан очик-оидин назар солмоқчи бўлса, «Изаш-шамсу куввирот», «Изас-самааун фаторот» ва «Изас-самааун шаққот»ларни қироат қилсин», дедилар».**

*Термизий ва Ҳоким ривоят қилишган.*

684. Уқба ибн Омир розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: **«Сенга бу кеча уларга ўхشاши менга сира нозил бўлмаган оятларни айтиб берайми? «Қул аъуузу бироббиль фалақи» ва «Қул аъуузу бироббиннааси», дедилар».**

*Муслим ривоят қилган.*

Бошқа ривоятда шундай келган: «Расулуллоҳ соллаллоҳу алайҳи васалламнинг туяларини сафарда етаклаб борарадим. У зот соллаллоҳу алайҳи васаллам менга: **«Эй Уқба, энг яхши икки сурани сенга ўргатиб қўяйми?»** дедилар ва **«Қул аъуузу бироббиль фалақи» ва «Қул аъуузу бироббин-нааси»ни ўргатдилар».** Шунда у зот бу иккиси билан унча масур бўлмаганимни кўрдилар. Бомдод намозига тушганларида одамларга

иккисини қироат қилиб, бомдодни ўқиб бердилар. Расууллоҳ соллаллоҳу алайҳи васаллам намоздан фориғ бўлганларида менга қайрилиб қарадилар ва: «**Эй Уқба! Нима дейсан?**» дедилар».

*Абу Довуд, Насоий, Ибн Ҳузайма, Ҳоким ривоят қилишган.*

Бошқа ривоятда шундай дейилган: «Бир ғазотда Расууллоҳ соллаллоҳу алайҳи васалламнинг уловларини етаклаб борардим. У зот менга: «Ҳой Уқба, айт», дедилар. Англамай, яна қулоқ солдим. «Ҳой Уқба, айт», дедилар. Англамай, яна қулоқ солдим. У зот учинчи марта айтдилар. Шунда мен: «Нимани айтай?» дедим. **«Қул ҳуваллоҳу аҳад»ни**, дедилар. Сўнг сурани қироат қилиб тугатдилар. Кейин «Қул аъуузу бироббил фалақи»ни қироат қилдилар. Мен ҳам у зот билан бирга қироат қилдим. У зот тугатдилар. Сўнгра «Қул аъуузу бироббин-нааси»ни қироат қилдилар. Мен ҳам у зот билан қироат қилдим. У зот тугатдилар. Кейин: **«Ҳеч ким иккисичалик нарса билан паноҳ тиламаган»**, дедилар».

*Абу Довуд ва Насоий ривоят қилишган.*

685. Уқба ибн Омир розияллоҳу анҳудан ривоят қилинади:

«Расууллоҳ соллаллоҳу алайҳи васаллам менга ҳар намознинг кетидан «муъаввизатайни»ни ўқишимга амр қилдилар».

Абу Довуд, Термизий, Насоий, Ибн Ҳузайма, Ибн Ҳибbon ва Ҳоким ривоят қилишган.

«Муъаввизатайни» – «Фалақ» ва «Нас» суралари.

**«Расууллоҳ соллаллоҳу алайҳи васаллам» китобидан**